

[Augsburg], 1. März 1575

An Johannes Crato von Krafftheim

UB Breslau, Ms. 9820 (Rehdigeriana 246), Nr. 349 (fol. 460r-v).

Nobili viro, doctrina, virtute, autoritate praestanti, D. Io[anni] Cratoni à Crafftheim, C[aesareae] Maiestati a consilijs, et medico intimo. Domino suo colendo. Wien.

S. Idibus Nouembris, Vir Clariss[ime], D[omine] et patrone colende, Henricus Stephanus, optatissimus γραμματοφόρος (atque utinam aequè felix sui negotij curator) tuas mihi reddidit. In quibus iustissimam sanè habeas arguendae ignauiae meae causam: ut ego vicissim eiusdem deprecandi criminis, miserrimam: τότε ἀναγκαίως οἰκουρεῖν, καὶ νοσηλεύεσθαι, ὑπερφυῶς βασανιζόμενον. Itaque nec ferè usquam progredior, nisi ad operas meas scholasticas: quae crebrò et ipsae interrumpuntur: nec ad quenquam scribo, nisi aut cogat necessitas, aut à me literas efflagitet tabellarius. Mea quidem Excellentiae tuae debita obseruantia, gratiique animi memoria perpetuò constabit. Filiolum tuum, ac potius filium iam, lectione Isocratis delectari, ipsi utilissimum esse puto: mei verò recordari, mihi pergratum est, multamqüe ei salutem, id est, constantem philosophiam, cum pietate coniunctam, precor. Vale Cal[endis] Martij 1575.

Hiero[nymus] Wolfius.